

**Kuv yuav kovyeej tej yeebncuab uas nyob puagncig kuv. Kuv yuav npuaj teg ntxhias zoo siab kawg, thiab muab tej tsiaj tua hlawv pub rau nws hauv nws lub Tuamtsev. Kuv yuav hu nkauj. Kuv yuav qhuas tus TSWV.**

Tus TSWV es, thov koj nloog kuv lub suab thaum kuv tsa ncauj hu koj. Thov koj hlub kuv, thiab teb kuv tej lus.

**Thaum koj hais tias, cia li los pe kuv. Kuv teb hais tias, tus TSWV, kuv yuav los cuag koj.**

Thov koj tsis txhob khiav nkaum kuv. Tsis txhob chim rau kuv, thiab tsis txhob ntiab kuv tus uas yog koj tus tubqhe khiav tawm. Koj yog tus uas pab kuv, thov koj tsis txhob khiav tawm ntawm kuv mus, tsis txhob tso kuv tseg. Vajtswv es, koj yog kuv tus cawmseej.

**Txawm yog kuv niam kuv txiv, tso kuv tseg los, Vajtswv yeej yuav tso mkwm saib xyuas kuv.**

Tus TSWV es, thov koj cobqhia kom kuv paub ua tej uas koj xav kom kuv ua. Thov koj koj kuv taug txojkev uas tsis muaj xwmtxheej, rau qhov kuv muaj yeebncuab coob heev.

**Thov koj tsis txhob tso kuv tseg rau kuv tej yeebncuab, lawv hais tej lus dag, thiab tej lus hem tawmtsam kuv.**

Kuv paub tseeb hais tias, kuv yuav pom tus TSWV nploosiab zoo thaum kuv tseem ua neej nyob.

**Cia li tso siab plhuav rau tus TSWV, cia li ntseeg, tsis txhob poobsiab. Cia li tso siab plhuav rau tus TSWV. (Nkauj Qhuas Vajtswv tshooj 27)**

## **362**

### **VAJTSWV NROG NRAIM PEB NYOB**

Vajtswv yog peb lub chaw nkaum, thiab yog peb lub dag lub zog, thaum twg muaj kev txomnyem, nws npaj nroos yuav pab peb.

**Txawm yog lub ntiajteb no ua zog koog, thiab tej tojroob saus pes zog rau puag hauv nruab tivtxwv los, peb yuav tsis ntshai.**

Txawm yog dej hiavtxwv ntas nphau nphwv, muaj suab nrov qeeg nkaws, thiab tej no ua rau tej tojroob ua zog kais los, peb yeej yuav tsis ntshai hlo li.

**Muaj ib tug dej ua rau tej neeg uas nyob hauv Vajtswv lub nroog, zoo siab luag ntxhwb ntxhi, lub nroog ntawd yog tus Vajtswv uas muaj meejmom kawg nkaus qhovchaw nyob.**

Vajtswv nyob hauv lub nroog ntawd, lub nroog ntawd yuav tsis puastsuaj ib zaug li, nws yuav los cawm nkaus lub nroog ntawd, thaum nyuamqhuav kajntug txoog.